
Энди қарзни аэрапортнинг ўзида тўлаш ва тақиқни ечиш мумкин: Энди қарзни аэрапортнинг ўзида тўлаш ва тақиқни ечиш мумкин:

МИБ хорижга чиқувчи фуқаролар учун интерфаол шахобча хизматини йўлга қўйди

Тошкент Халқаро Аэрапортида фуқароларимизда қарздорлик сабабли юзага келган тақиқлар масаласига аниқлик киритиш ва уларни ечиш, шунингдек электрон тўлов тизимлари орқали қарздорликни бартараф этиш мумкин бўлди. Бунинг учун Мажбурий ижро бюросининг махсус интерфаол хизматлар шахобчаси ташкил қилинди.

Ушбу шахобчада хизмат кўрсатаётган ходимлар орқали қарздорлик туфайли тақиқ бор ёки йўқлигини билиб олиш ва қарздорликни шу заҳоти бу сайтда электрон тўлов тизимлари орқали амалга ҳам ошириш мумкин. Шахобчага инфокиоска ҳам ўрнатилмоқда, бу эса фуқароларнинг нақд пулда ҳам тўловни амалга ошириш имконини яратади.

Эндигина фаолиятини бошлаган шахобчага бир кунда 50 нафардан ортиқ фуқаролар мурожаатлари бўйича тақиқ масалаларига аниқлик киритилмоқда. Ўз вақтида тўланмай қолган қарздорликлар эвазига 30 млн сўмдан ортиқ маблағлар электрон тарзда қабул қилинди.

Бошқа аэрапортларда ҳам фуқароларда тақиқлар масаласида муаммолар юзага келганида, марказлашган тартибда масалани ўрганиш ва ҳал этиш учун махсус телефон рақами (95-411-07-77) жорий қилинган. Фуқаролар бу рақам орқали ёки аэрапорт маъсул ходимлари орыали Тошкент халқаро аэрапортидаги интерактив шахобча билан боғланишлари ва муаммоларини ҳал ыилишлари мумкин.

МИБ Данғара туман бўлими.

2022-09-28 09:04:18